

0.0.1 bhikkhu caturāpasseno

1. kathañca bhikkhave bhikkhu caturāpasseno hoti: idha bhikkhave bhikkhu saṅkhāyekaṃ paṭisevati. saṅkhāyekaṃ adhvāseti, saṅkhāyekaṃ parivajjeti. saṅkhāyekaṃ vinodeti. evaṃ kho bhikkhave bhikkhu caturāpasseno hoti.

2. katame ca bhikkhave āsavā paṭisevanā pahātabbā? idha bhikkhave bhikkhu paṭisaṅkhā yoniso cīvaram paṭisevati: yāvadeva sītassa paṭighātāya uṇhassa paṭighātāya ḍaṃsamakasavātātāpasiriṃsapasamphassānaṃ¹ paṭighātāya yāvadeva hirikopīnapaṭicchādanatthaṃ.

3. paṭisaṅkhā yoniso piṇḍapātaṃ paṭisevati: neva da-vāya na madāya na maṇḍanāya na vibhūsanāya yāvadeva imassa kāyassa ṭhitiyā yāpanāya vihiṃsūparatiyā² brahmacariyānuggahāya. iti purāṇaṃca vedanaṃ paṭihaṅkhāmi navaṇca vedanaṃ na uppādessāmi yātrā ca me bhavissati anavajjatā ca phāsuvihāro cā'ti³

4. paṭisaṅkhā yoniso senāsanam paṭisevati: yāvadeva sītassa paṭighātāya uṇhassa paṭighātāya ḍaṃsamakasavātātāpasiriṃsapasamphassānaṃ paṭighātāya yāva-

¹sarīsapa (machasaṃ)

²vihiṃsuparatiyā (syā)

³phāsuvihāro ca (machasaṃ)

deva utuparissayavinodanaṃ⁴ paṭisallānārāmatthaṃ.

5. paṭisaṅkhā yoniso gilānapaccayabhesajjaparikkhāraṃ paṭisevati: yāvadeva uppannānaṃ veyyābādhikānaṃ vedanānaṃ paṭighātāya abyāpajjhaparamatāya⁵. yaṃ hissa bhikkhave apaṭisevato⁶ uppajjeyyumaṃ āsavā vighātapariḷāhā. paṭisevato evaṃsa te āsavā vighātapariḷāhā na honti. ime vuccanti bhikkhave āsavā paṭisevanā pahātabbā.

6. katame ca bhikkhave āsavā adbhivāsanaṃ pahātabbā? idha bhikkhave bhikkhu paṭisaṅkhā yoniso khamo hoti sītassa uṇhassa jighacchāya pipāsāya ḍaṃsamakasa-vātātapasirimsapasamphassānaṃ duruttānaṃ durāgatānaṃ vacanapathānaṃ uppannānaṃ sārīrikānaṃ vedanānaṃ dukkhānaṃ tippānaṃ⁷ kharānaṃ kaṭukānaṃ asātānaṃ amanāpānaṃ pāṇaharānaṃ adbhivāsakajātiko⁸ hoti. yaṃ hissa bhikkhave anadbhivāsayaṭo uppajjeyyumaṃ āsavā vighātapariḷāhā adbhivāsayaṭo evaṃsa te āsavā vighātapariḷāhā na honti. ime vuccanti bhikkhave āsavā adbhivāsanaṃ pahātabbā.

7. katame ca bhikkhave āsavā parivajjanaṃ pahātabbā? idha bhikkhave bhikkhu paṭisaṅkhā yoniso caṇḍamaṃ hat-

⁴vinodana (machasaṃ); vinodanaṃ paṭisallānārāmatthaṃ (bjt, pts); vinodanapaṭisallānārāmatthaṃ (nld)

⁵abyāpajja (katthaci)a; abyāpajjha (bjt); abyābajjha (pts), abyābajjha (nld)

⁶appaṭisevato machasaṃ (syā)

⁷adbhivāsikajātiko (syā)

⁸tibbānaṃ (machasaṃ)

thiṃ parivajjeti. caṇḍaṃ assaṃ parivajjeti. caṇḍaṃ goṇaṃ parivajjeti. caṇḍaṃ kukkuraṃ parivajjeti ahiṃ khāṇuṃ kaṇṭakādhānaṃ⁹ sobbhaṃ papātaṃ candanikaṃ oḷigallaṃ. yathārūpe anāsane nisinnaṃ yathārūpe agocare carantaṃ yathārūpe pāpake mitte bhajantaṃ viññū sabrahmacārī pāpakesu ṭhānesu okappeyyuṃ. so tañca anāsaṇaṃ tañca agocaraṃ te ca pāpake mitte paṭisaṅkhā yoniso parivajjeti. yaṃ hissa bhikkhave aparivajjayato uppajjeyyuṃ āsavā vighātapariḷāhā. parivajjayato evaṃsa te āsavā vighātapariḷāhā na honti. ime vuccanti bhikkhave āsavā parivajjanā pahātabbā.

8. katame ca bhikkhave āsavā vinodanā pahātabbā? idha bhikkhave bhikkhu paṭisaṅkhā yoniso uppannaṃ kāmavitakkaṃ nādhivāseti pajahati vinodeti byantīkaroti¹⁰. anabhāvaṃ gameti. uppannaṃ vyāpādavittakkaṃ¹¹ nādhivāseti pajahati vinodeti byantīkaroti anabhāvaṃ gameti. uppannaṃ vihiṃsāvitakkaṃ nādhivāseti pajahati vinodeti byantīkaroti anabhāvaṃ gameti. uppannuppanne pāpake akusale dhamme nādhivāseti pajahati vinodeti byantīkaroti anabhāvaṃ gameti. yaṃ hissa bhikkhave avinodayato uppajjeyyuṃ āsavā vighātapariḷāhā. vinodayato evaṃsa te āsavā vighātapariḷāhā na honti. ime vuccanti bhikkhave āsavā vinodanā pahātabbā.

⁹kaṇṭakatṭhānaṃ (machasaṃ, syā)

¹⁰byantiṃ karoti (katthaci); byantīkaroti (pts); byantīkaroti (bjt); byantīkaroti (nld)

¹¹byāpādavittakkaṃ (machasaṃ, pts, syā)